



Inatsisartunut ilaasortaq Aaja Chemnitz Larsen, Inuit Ataqtigiit

§ 37-imi apeqquut nr. 115-imut akissuteqaat pineqarlutik meeqqanut inuusuttunullu tunngasoq

Asasara Aaja Chemnitz Larsen

Meeqqanut inuusuttunullu tunngasutigut apeqqutigisannut qujanaq. Akissuteqaat ataani takuneqarsinnaavoq.

27. april 2015
Suliap nr. 2015-114199
All. Nr. 1942496

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

1. Kommunit meeqqanut inuusuttunullu politikkianni sumut killittoqarpa?

Kommunit meeqqanut inuusuttunullu politikki taamaallaat kommunit susassaqaarfigaat. Imaattoqartillugu kommuni pineqartumi politikkimik suliaqarsimalluni, taanna kommunip nittartagaani nassaarinqarsinnaassaaq imaluunniit kommunimut saaffiginninnikkut.

Naalakkersuisunit kommunini sulinerit qanimut malinnaavigineqarput aamma kommunini isumaginninnikkut ataatsimiititaliat allaffissornikkullu pisortat il.il. qanimut oqaloqatigisarnerisigut meeqqanut inuusuttunullu eqqorneqarsimasunut suliniutit nukittorsarneqarnissaat siunertaralugit.' Naalakkersuisunit kommunit kaammattorneqarnikuupput suliniutip nalinginnaasumik qaffassarnissaa pillugu suleqatigiinnermut peqataaqullugit. Kommunit Naalakkersuisunut nalunaarutiginiuuat, kissaatigigitsik pitsanngorsaatinik pilersitsiniarnermi suleqataanissartik.

2. Kommunini meeqqat piginnaatitaaffiisa eqquutsinneqarnissaannut qulakkeerrinninnissami Naalakkersuisut qanoq iliuseqarpat?

Isumaginninnermut Naalakkersuisoqarfik Isumaginnittoqarfiup aqunneqarnera aqqissuussaanelu pillugit Inatsisartut peqqussutaat nr. 11-imi, 12. november 2001-imeersumi § 1 naapertorlugu kommunit ingerlatsiviinut akuttunngitsumik nakkutiliisartussaavoq Nakkutiliinerup ilaatigut siunertaraa inatsisitigut suliamik suliarinninnermi pitsaassutsip tapersorsorneqarnissaa aamma eqqarsartaatsikkut isumaginninnikkullu suliniutinik atuinerup misissornissaa, kommuninit meeqqanik inuusuttunullu ikorsiisarneq pillugu Inatsisartut peqqussutaat naapertorlugu aallartineqarsinnaasuni.

Meeqqanut eqqorneqarsimasunut suliniutip suli nukittorsarneqarnissaa siunertaralugu, Naalakkersuisunit sulissutigineqarpoq qitiusumik siunnersuisarfimmik pilersitsinissaa, tassuuna ilinniartitsinikkut, siunnersuisarnikkut aamma ilisimasanik aviffigeqatigiittarnikkut il.il. kommunini aqqissugaaneq, sulianik suliarinnittarneq aamma pissusissamisoortumik eqqarsartaatsikkut isumaginninnikkullu suliniutinik atuinerit tapersorsorlugillum ineriartortinneqartarnissaat.

3. Meeqqanik inuusuttunillu ikiorsiisarneq pillugu inatsisip eqquutsinneqarnissaa qulakkeerniarlugu Naalackersuisut qanoq iliorpat?

Apeqqutip 2-p akissutaanut innersuussisoqarpoq.

4. Kommunini inunnik isumaginninnerup iluani meeqqanut inuusuttunullu suliniutaasut Naalackersuisunit naammagisimaarneqarpat?

Soorlu ilisimassagit, 2014-imi isumaginninnikkut nakkutilliinermi kommunit oqartussaaffigisaanni meeqqat pillugit suliani pissutsinik ernumanartunik arlalinnik naammattuuisoqarsimavoq. Tamakku tunngavigalugit, Naalackersuisunit kommuninit suleqatigiinneq sakkortusarneqarsimavoq qitiusumillu siunnersuisarfimmik pilersitsiniarneq aallartinneqarsimalluni. Ilanngullugu Naalackersuisunit eqqarsaatigineqarpoq isumaginninnikkut nakkutilliisarneq suliniutaasut nukittorsaavigineqarnissaa qinigaaffimmi matumani pilersaarutugalugu Isumaginnittoqarfiup aqunneqarnera aaqqissuussaanageralu pillugit Inatsisartut peqqussutaata iluarsanneqarnissaa siunertaralugu isumaginnittoqarfiup aaqqissuussaanagerata nukittorsarneqarnissaa.

5. Maannakkorpiaq meeqqat inuusuttullu qassit angerlarsimaffiup avataanut inissinneqarsimasuuppat?

Kingullerpaamik meeqqat inuusuttullu angerlarsimaffiup avataanut inissinneqarsimasut qassiuernerannik naatsorsuisoqarpoq september 2014-imi, taasani inissinneqarsimasut amerlassusiat 642-inut naatsorsorneqarlutik. Naalackersuisoqarfiup maannakkorpiaq sumiiffinnut inissiivigineqartartunut kisitsisitigut naatsorsueqqissaarnerit nutartileruttorpai.

6. Meeqqanut inuusuttunullu inissitanut perorsaanikkut suliarinninneq Naalackersuisunit qanoq paasineqarpat?

Naalackersuisunit isumaginninnikkut perorsaanermik suliarinninnermut aalajangersimasumik nassuiaasiornissaq sulissutigineqanngilaq. Nassuiaammut apeqqutaapput isumaginninnikkut perorsaanermik suliarinninnermut sinaakkusiussat, tamakku ulloq unnuarlu paaqqinnittarfiup ataatsip siunertaanut inunnullu ataasiaakkanut sullitaanut attuumassuteqartut. Taamaattumik akissuteqaat nalinginnaasutut isikkoqasaaq.

Isumaginninnikkut perorsaanermik suliniut pingaarnerusutigut aallaavigineqarpoq meeqqap nalissaqanngitsumik inuunermini inissisimanera tassaallutillu immikkoortaqarfiit pitaannarlugit ataqatigiittumillu iliuutsit arlallit, siunertaqartut, meeqqap sapinngisamik isumaqarluartumik, imminut naleqqulluartumik aammalu sapinngisamik namminerisaminik inuuneqarnissaa anguniarlugu ineriartorsinnaanissaa.

Meeqqat inissinneqartut isumaginninnikkut perorsaanermik suliniuteqarluni suliniutit tunngaviummik oqariartaatsit ataatsimoortumik sammisunik naapinneqartarput soorlu assersuutigalugit, toqqissimanermik, qanilaassutsimik, akuerineqarnermik, inittussutsimik, ataqqineqarnermik, naleqartinneqarnermik, naligiissutsimik aamma aalajangeeqataasarnermik. Peqatigitillugu atuartut inuunermit, sunngiffimmi inuunermit aamma inooqataalluni inuunermit maluginnilluarneq isumaginninnikkut perorsaanermik suliniutit qitiusumik ilagai. Suliniuteqarnermi aallaavigineqarpoq inatsisitigut piumasaqaataasumik meeqqamut/inuusuttumut kommunini iluussisasut pilersaarut.

Taamatutaaq illutatigut sinaakkutaasut isumaginninnikkut perorsaanermik suliniutit pingaarutilimmik ilagaat. Pingaartumik ulloq unnuarlu angerlarsimaffinni taamaamat aamma aallunneqarput, meeqqat peqqinnartunik assigiinngisitaartunillu neri-sassanik sassaalliivigineqartarnerat, aammalu angerlarsimaffigisami avatangiisaa-sut ipiitsuunissaat, torersuunissaat aamma nuannersuunissaat il.il.

7. Kommunit aningaasarliornerminnik patsiseqartumik meeqqanut inuusut-tunullu qinnuteqaatinik itigartitsinnginnissaat qanoq qulakkeerneqassava?

Meeqqanik inuusuttunillu ikiorsiisarneq pillugu Inatsisartut peqqussutaat nr. 1-imi, 15. april 2003-meersumi § 9 naapertorlugu angajoqqaatut oqartussaassuseqartoq aamma meeraq 15-ileereersimasoq akuersiseqqaarlugit ikiorsiissutissaq meeqqap immikkut pisariaqartitsineranut naleqqunnerpaaq kommunalbestyrelsip toqqassa-vaa.

Inussiarnersumik inuulluaqqusillunga

Martha Lund Olsen